



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio  
Leodii, 1709**

Caput I. Amoris natura, objectum, motivum & finis.

---

[urn:nbn:de:hbz:466:1-73187](#)

rem boni omnia agunt, quacumque agunt, inquit D. Dionysius de divin. nomin. c. 4. Et omne agens agit quamcumque actionem ex aliquo amore, ait S. Thomas i. 2. q. 28. a. 6. Quapropter in ceteris affectibus & actibus quibuscumque erit ordo, si ordo sit in amore, dumque ordinatus est amor, ceteri quoque affectus & actus ordinatis sunt; econtra dum amor inordinatus est, inordinati sunt & ipsi, ut breviter, sed eleganter Augustinus exprimit l. 14. de civit. Dei cap. 7. dicens, quod recta voluntas est bonus amor, & voluntas perversa, malus amor. Amor ergo inhiens habere quod amatur, cupiditas est, eoque fruens, laetitia; fugiens quod ei adveratur, timor est; idque, si acciderit, sentiens tristitia est. Proinde mala sint ista, si malus est amor; bona, si bonus. Amor itaque ordinatus est evangelica illa arbor bona, de qua Veritas dicit: Omnis arbor bona fructus bonos facit.... non potest arbor bona fructus malos facere, Matth. 7. Et Apostolus: Charitas non agit perperam, 1. Cor. 17. Totam proinde actuum humanorumconomiam, universamque christianam Ethicen complectitur tractatus de ordinato inordinatoque amore, deque principiis, regulis & mediis amoris ordinati, necnon de remediis amoris inordinati. Summi ergo momenti est, sana solidaque de ordinato inordinatoque amore principia tradere, magnoque studio allaborandum, ut illa inventiantur, inventa menti imprimantur, impressa voluntas toto affectu complectatur, vitaque secundum ea dirigatur, bona faciendo, & a malis declinando. Quod profectò fieri, amoris ordinem custodiendo, perversionemque sollicitè cavendo. Sed ante omnia, explicanda est amoris natura, objectum, motivum & finis. Sit itaque

## CAPUT I.

*Amoris natura, objectum, motivum & finis.*

**A** Mare, ut Philosophus dicit 2. Rhetor. 4. est velle alicui bonum. Verum, ut S. Thomas advertit 2. 2. q. 17. a. 2. ad 1. Philosophus ibi diffinit amare, non ponens totam rationem ipsius, sed aliquid ad rationem ejus pertinens. Quid igitur amor? Amor (ait S. Doctor i. 2. q. 25. a. 2. in corp.) nihil aliud est quam complacentia boni, sive (ut ait q. 27. a. 1.) complacentia amantis ad amatum, sive ad bonum, ut antè dixit. Quidquid namque amat, amat ut bonum. Unicunque autem est bonum id quod est sibi connaturale & proportionatum, sive natura sua conveniens & accommodatum, ut ait ibidem. Unde q. 29. a. 1. in corp. Amor (inquit) est consonantia quadam appetitus ad id quod apprehenditur ut conveniens; odium vero est dissonantia appetitus ad id quod apprehenditur ut repugnans & nocivum.

Per consequens omne conveniens in quantum hujusmodi, habet rationem boni, ait S. Doctor ibid. estque proinde amoris objectum, ipsiusque

motivum seu excitativum. Quodnam enim aliud est amoris excitativum, nisi amabilitas obiecti? atqui omne conveniens, in quantum hujusmodi, amabile est: neque enim amabilitas aliud est quam convenientia unius obiecti respectu alterius, ratione alicujus perfectionis, quam ipsum perficere potest, nisi ex se sit omnimodè perfectum.

Idèo naturam amoris pulchre Salesius explicat l. 1. de amore Dei c. 7. cui titulus, Descriptio amoris in genere: ubi sic: Tanta est convenientia voluntatis cum bono, ut statim atque illud apprehendat, ad illud se convertat, ut sibi in ipso complacet, tamquam in obiecto sibi gratissimo, cumque ipso tantam habet connexionem, ut nec voluntatis natura explicari queat, nisi per respectum ad bonum, nec natura boni, nisi per ordinem ad voluntatem, sicut obiecti convenientis ad potentiam cui convenit.... Voluntas igitur bonum apprehendens per intellectum illud ipsi representantem, statim in eo sentit complacentiam quandam delectationemque, quam sibi avertere sed fortiter moveatur & inclinatur in obiectum illud amabile, ut ei uniatur, atque ut ad uniuersum istam perveniat, complacentia illa facit ne exquirat omnia media ad id magis apta & accommodata. Arctissima proinde est convenientia voluntatis cum bono; convenientia ista causat complacentiam in illo, complacentia movere impellitque voluntatem ad bonum, motus iste ad unionem tendit, voluntas tamen sic mota ad uniuersumque tendens, omnia querit media necessaria, quibus ad eam perveniat. Amor profectò, generaliter loquendo, simul omnia ista comprehendit, ut pulchra gnaphiam arbor, cuius radix est convenientia voluntatis ad bonum; pes est complacentia; caput seu thyrus est ipse motus; prosecutiones mediorum usus & conatus sunt rami; unio seu fruitio est fructus. Sic amor ex quinque ipsis partibus seu actibus praecipuis compostus videatur. Amor insensibilis magnetem inter ferrum, imago vera est amoris sensibilis & voluntarii, de quo nobis sermo. Ferrum itaque talerum cum magnete convenientiam habet, ut statim atque tangitur, virtute ipsius ad ipsum convertatur; inde statim incipit agitari, parvisque saltationibus commoveri, velut demonstrans innatam sibi inclinationem ad complacentiam. Denique versus magnetem fertur, & modis omnibus se movet ut ei uniatur. An non ista sunt partes omnes vitalis amoris, per inanimatas res istas benè representata?

Verumtamen, Theotime, complacentia, motusque, seu effluxus, & tendentia voluntatis in rem amabilem, propriè amor est; sic tamen ut complacentia non sit nisi initium ipsius, motus vero, seu cordis in rem amatam effluxus, verus sit amor essentialis. Uno verbo, complacentia primus est effectus boni in voluntate; effectum ipsum motus consequitur, quo voluntas fertur in rem amatam, eique se jungit; & isto in motu amor verè proprieque consistit. Quidam nihilominus magni viri complacentiam ipsum, amorem esse non sine verisimili ratione crediderunt: quando-

quidem motus amoris non solum originem habet ex complacentia in corde percepta ad primum bonum occursum, in secundaque complacentia terminatur, quae per unionem cum objecto amato in cor revertitur; sed & per complacentiam nutritur perficieturque. sique amor ex complacentia nascitur, per complacentiam conservatur, in complacentia terminatur, & usque adeo sine complacentia esse non potest, ut eam cessante cesseret... complacentia est que voluntatem agit, eamque movet, & in re amata ipsa unita facit requiescere. Cum igitur tanta sit dependentia motus amoris a complacentia, & inseparabilitas tanta; haud mirum si amor & complacentia magnis illis ingenii una eademque res visa sit; tametsi in rei veritate amor, utpote anima passio, complacentia simplex esse nequeat, sed motus ex ea procedens, & usque ad unionem seu fruitionem perseverans.

Sequenti vero capite, cui titulus: *De convenientia amoris excitativa*, clare exponit, in quo convenientia ista consistat; & postquam ostendit non consistere semper in qualitatum similitudine (cum humanus amor nonnunquam fortius concipiatur inter personas, quarum contrariae sunt qualitates, quam inter similes) concludit sic: Convenientia ergo, qua amoris est causa, in amantis ad rem amatam proportione, coaptatione & correspondentia consistit; sic enim medicina agro amabilis non est ob similitudinem, sed ob proportionem & correspondentiam ad necessitatem ipsius, quatenus scilicet ager indiget sanitate, quam medicina potest ipsi conferre, quomodo etiam infirmum medicus, & discipulum magister amat, velut subjectum, erga quod artem suam exercere potest. Amorem itaque non semper conciliat similitudo & sympathia, sed correspondentia & proportio, in eo consistens quod per unionem unius rei ad alteram, una per alteram naturaliter perfici potest & meliorari.... Prima proinde amoris causa est convenientia amantis ad rem amatam, consistens in correspondentia, qua nihil aliud est nisi relatio mutua, qua res apte efficiuntur ad perfectionem aliquam sibi mutuo communicandam. Hactenus Salesius, primam amoris causam cum S. Thomas afferens mutuam esse convenientiam inter amantem remque amatam, quae nihil aliud sit quam propria, correspondentia, seu aptitudo, quam res aliqua apta est excitare voluntatem ad ipsam amorem prosequendam, eique se uniendum tamquam perfectibile cum perfectivo, sive tamquam objecto habenti rationem causae perficiens respectivè ad naturam perfectibilem per rem illam.

Cui sane assertioni veteres omnes Philosophi, Stoici, Peripateticique concinunt, exceptis Epicureis, ut videre est apud Ciceronem in libris de finibus bonorum & malorum, ubi variarum sectarum Philosophos inducit, illud pro indubitate pariter statuentes, prius esse aliquid esse convenientius alteri, quam ab eodem appeti, amoremque omnem alterius incipere a seipso, sive ab amore sui: sic enim phi-

losophantem inducit Catonem Stoicum l. 3. Placet his, quorum ratio mihi probatur, simul atque natum sit animal, ipsum sibi conciliari & commendari ad se conservandum... quod non fieret, nisi statum suum diligenter, fieri autem non posset ut appeterent aliquid, nisi... se & sua diligenter; ex quo intelligi debet principium duclum esse a se diligendo. Quod & Piso hisce verbis l. 5. exprimit: Omne animal seipsum diligit, &... omni animali illud quod appetit, possum est in eo quod natura est accommodatum. Et rursus Cato: In natura primum inesse incipit, & intelligi quid sit quod vere bonum possit dici, prima enim conciliatio hominis ad ea qua sunt secundum naturam. Et Cicero ipse: Bonum appello, quidquid secundum naturam, id est, natura conveniens, est; quod contra, malum. Nes ego solus (addit) qui Peripateticus sum, sic definitio bonum & malum, sed & in Cheysippe, quis Stoicus es, eodem definis modo. Unde l. 3. rursus ex Catone dicit, quod bonum per se appetendum possum sit in eo quod convenientiane appellamus. Enimvero quomodo moveri animus ad appetendum potest, si id quod videtur, non percipit, accommodatumne natura sit, an alienum? Ergo (inquit l. 5.) omni animali illud quod appetit, possum est in eo quod est natura accommodatum, id est, conveniens. Unde ex eo quod Epicurus, cum suis, Deum comminiceretur sine actione, sine beneficentia, sine amore, sine providentia erga homines, ultimamque hominis felicitatem in Deo non posneret, sed in voluptate; cum ceteris Philosophis conclusit, Deum homini amabilem non esse: cum nulla (secundum Epicurum) Dei convenientia esset cum natura humana, nulla hominis a Deo perfectibilitas, seu beatificabilitas. Siquidem Cotta apud ipsum l. 1. de natura deor. in fine: Si (inquit) maximè talis est Deus, ut nulla gratia, nulla hominum charitate teneatur, valeat. Refellitque Veilleum Epicureum, aiebat, quod praestans natura deorum digna sit veneratione amoreque hominum: habet enim venerationem justam quidquid excellit. Quid est (replicat Cotta) cur deos ab hominibus colendos dicas, cum dii non modò homines non colant, sed nihil omnino carent, nihil agant? At est eorum (inquis) eximia quadam præstansque natura. An quidquam eximium potest esse in ea natura, qua, sua voluptate latens, nihil nec actura sit unquam, neque agat, neque egerit? qua porro pietas ei debetur, a quo nihil accepitis?.... Epicurus erga ex animis hominum extraxit radicibus religionem, cum diis immortalibus & open & gratiam suscepit. Cum enim optimam & præstantissimam naturam Dei dicat esse, negat idem esse in Deo gratiam, adèoque tollit id quod maximè proprium est optima præstantissimaque natura. Quid enim est melius, aut quid præstantius bonitate & beneficentia? qua cum carere Deum vultis, neminem Deo, nec Deum nec hominem charum, neminem ab eo amari, neminem diligi vultis. Et qua de causa Stoici virtutem homini propter

## Liber Quintus.

222

sc̄ amabilem censuerunt? non aliā, nisi quia eam humana natura per se & propter se convenientem esse crediderunt, in eaque finem hominiū uitium, seu beatitudinem constituerunt.

6 In tribus ergo principiis istis omnes Philosophi (Epicureis exceptis) convenerunt, 1°. quod prius sit unum alteri esse conveniens, quam ab ipso amari: nam, uti Catonem superā de virtute philosophantem audivimus, quomodo moveri animus ad appetendum potest, si id quod videntur, non percipit, accommodatum natura sit, an alienum? 2°. Quod nihil propter se diligendum sit, nisi per se & propter se conveniens sit, si enim solum conveniens sit propter aliud, sive in ordine ad consequendum bonum à se distinatum, sicut medicina propter sanitatem, solum diligendum est propter aliud, non propter se. 3°. Quod nobis innatus sit amor, quo necessariò amamus statum naturae nostrae convenientem, ex quo amamus quidam amamus. Propter etiam namque dixerunt, fieri non posse, ut animalia appetere aliquid, nisi ie & sua diligenter, principiumque omnis dilectionis dictum esse à se diligendo.

7 Quo in principio cum Philosophis antiquis sancti etiam Doctores conveniunt, signanter Augustinus & Thomas: siquidem Augustinus l. 13. de Trinit. c. 3. de amore loquens beatitudinis: Quidquid (inquit) aliud quisquam latenter velut, ab hac voluntate, que omnibus hominibus satis nota est, non recedit. Et c. 5. Quidam verum est, quod omnes homines esse beat velint, idque unum ardentissimo amore appetant, & propter hoc catena quacunque appetunt. Et c. 8. afterit naturam ipsam nos compellere ut beati esse velimus. Concione etiam primâ in Psalm. 118. Beatum est, tam magnum bonum est, ut hoc & boni velint esse & mali; nec mirum quod boni propere sint boni, sed illud est mirum quod etiam mali propere sint mali: ut sint beati. Verum est tamen, quia in malo beatitudinem quaerunt, & se miseros putant, cum ad sua concupiscentia voluptatem latitiamque non perveniant. Atque hinc Homil. 37. inter 50. cum laudatis Philosophis concludit, quod amores omnes & dilectiones prius sint in hominibus de se, & sic de alia re quam diligunt. Quodque dilectio unicuique à se incipit, & non potest nisi à se incipere. Similiter D. Thomas l. 2. q. 5. a. 8. docet necesse esse quod omnis homo beatitudinem velit. Et q. l. a. 6. necesse esse quod omnia, que homo appetit, appetat propter ultimum finem secundum. Quod duplice probat ratione. Prima est: quia impossibile est quod voluntas aliquid appetat, nisi sub ratione boni sibi convenientis; quod vel est bonum perfectum, vel tendens in bonum perfectum: quia semper inchoatio alicuius ordinatur ad consummationem ipsius, sicut pars ad totum, & ita omnis inchoatio perfectionis ordinatur in perfectionem consummatam. Secunda est: quia sicut nulla causa secunda prorumpit in actum, nisi moveatur à causa prima; sic nullum appetibile secundum movet

appetitum, nisi moveatur à primo appetibili, quod est ultimus finis.

Denique ipsam ratio dictat nihil à nobis amari posse, nisi nobis conveniens; eo quod utique nihil amare possumus, nisi nobis amabile sit; nihil verò nobis amabile esse potest, nisi nobis conveniens. Cum sublatā convenientia, auferatur appetitus excitativum. Nullum quippe in objecto est appetitus excitativum, si nulla sit convenientia, per quam voluntas exciteatur ad ipsum appetendum. Per quid enim tunc excitari potest? certè non per absolutam aliquam perfectionem ipsius; utpote quæ si apprehendatur absque ulla convenientia respectivè ad nos, nullam habebit vim excitandi voluntatem nostram ad ipsum appetendum, sed ipsam relinquat indifferentem ad ipsum appetendum vel non appetendum; inquit ipsam excitabit ad ipsum odio prosequendum, si perfectio absoluta ipsius non solum non apprehendatur ut nobis conveniens, sed apprehendatur ut disconveniens & noxia. Cum enim necessariò amemus statum naturae nostrae convenientem, per consequens necessariò odio prosequimur statum disconvenientem, propositum ut tales, sive omne illud quod nobis proponitur ut statui nostro prorsus disconveniens, uti patet in dæmonibus & damnatis, qui, licet cognoscant justitiam Dei, quia tamen vitio suo eam non apprehendunt, nisi ut statui suo prorsus noxiā & disconvenientem, non apprehendunt ut amabilem, sed ut odibilem. Et ideo Deum non amant, sed odio habent.

Verissimum prouinde est quod S. Thomas supra n. 2. dicit, bonum conveniens, quæ tale, objectum esse amoris nostri. Per consequens nullas absolutas perfectiones objecti absque ullo respectu convenientiæ ad nos, illud reddere nobis amabile, sed admirabile dumtaxat. Alias illud adhuc amabile redderent, quālibet nobis disconvenientes forent, causaque miseriae nostræ, non felicitatis; atque ita falsum esset nos propter beatitudinem nostram velle quocunque volumus.

Triplex porro est bonum nobis conveniens, scilicet honestum, utile, jucundum; non quod ista sint tria bona specie distincta, sed tres boni respectus. Omne quippe bonum honestum sub diverso respectu utile est ac jucundum; honestum, quatenus propter se amore dignum, & prosecutione; utile, quatenus perficiens amantem; jucundum, quatenus possesso ipsius ipsi gaudium & latitiam parit. Similiter omne vere utile, honestum est, saltem honestate respectivâ. Et tamen omne bonum jucundum non sit honestum, sapientia tamen utile est parti animali & sensitiva. Ut sic tamen præcise, non est vere bonum; inquit solum bonum honestum, Tullio est vere bonum. Quid est enim bonum? (quarit in paradoxis) Si quid reale sit & honeste, & cum virtute... id solum opinor bonum.

Bonum itaque honestum illud est, quod II propter

propter se ordinatè amabile est; unde cùm Iohannes Deus propter se ordinatè amabilis sit, uti postea demonstabitur, unicum est bonum absolutè honestum, scilicet Deus; quamvis alia quædam bona, propter se non amabilia, respectivè, sive in ordine ad Deum honesta dici queant, eo modo quo alimentum, exercitium, medicina & similia dicuntur bona, non absolutè, sed respectivè, quatenus ordinem habent ad sanitatem. Et sic creatæ virtutes honestæ sunt respectivè, non absolutè. Virtutem quidem Stoici absolute honestam esse opinati sunt; sed hoc ideo quia in virtute summum bonum, finemque hominis ultimum erronè constituerunt. In virtutem proinde creatarum exercitiis agnoscenda non est honestas absoluta, sed relativa dumtaxat.

<sup>12</sup> Simili ferè modo philosophandum de bono utili, solum videlicet verè utile esse, quod conductit ad bonum absolutè honestum, sive ad summum bonum consequendum, prout S. Ambrosius docet l. 1. de Offic. c. 9. hisce verbis: *Nihil rite, nisi quod ad vita illius aeterna proficit gratiam, definitum, non quod ad delectationem praesentis. Est igitur eadem utilitas qua honestas.* Nec alia vera est jucunditas, nisi de summo bono, sive in ordine ad illud, si sermo sit de bono jucundo respectivè ad partem hominis rationalem & spiritualem, & non solum in ordine ad partem animalem ac sensitivam, quæ per se non fertur nisi in delectationibus sensibilius: neque enim nobis hic sermo est de amore sensitivo & animali, sed de rationali spiritualique, utpote qui solus liber, legibusque, & regulis morum subjectus.

<sup>13</sup> Superest ut aliquid de amoris fine dicamus, de quo illud imprimis est observandum, *bonum, finem, felicitatem*, non esse nisi tres ejusdem objecti nobis convenientis respectus. Nam dum objectum consideratur quatenus appetitus move, per respectum convenientiarum ad nos, sub eo respectu est *b. nūm*; dum autem consideratur ut terminus, in quem tendit, & in quo terminatur appetitus noster, sub eo respectu est *finis*; denique dum consideratur ut nos laetificans per sui fruitionem, seu possessionem, sub eo respectu est *felicitas nostra*.

<sup>14</sup> Secundò observandum, solum illud bonum esse finem amoris nostri, in quo amor noster sicut & terminatur, quodque proinde à nobis propter se, non propter aliud amat. Nam, ut Augustinus l. 2. contra adversarium leg. & Prophet. c. 7. ait: *Finis est propter quem sunt omnia quecumque alio quo sunt officia.*

<sup>15</sup> Tertiò observandum, finem à Philosophis duplitem distingui, videlicet finem *qui*, sive *cuius gratia*, & finem *cui*. Finis *qui*, ille est quem propter se volumus, & propter quem agimus. Finis *cui*, est persona, cui bonum volumus. Omnis quippe amor, volitio est boni. Omne vero bonum, quod volumus, alicui volumus, vel utique nobis ipsis, vel alteri. Persona itaque, seu subjectum, cui bonum illud volumus, est finis *cui*. Aliud proinde si-

gnificat amor, quo dicimur amare rem à persona distinctam, v. g. scientiam, honorem, pecuniam, &c. aliud, amor quo dicimur amare personam, v. g. parentes, uxorem, filios, amicos, &c. Amare itamque scientiam, honorem, pecuniam, &c. est velle rerum istarum acquisitionem, vel fruitionem, vel de earum fruitione gaudium: amare verò parentes, uxorem, filios, amicos seu personas, est ipsis velle aut procurare bonum.

Cæterum amor omnis, etiam scientiæ, pecuniæ, &c. amor est persona alicujus, vel nostræ, vel alterius, cui res istas volumus. In omni proinde amore duplex est respectus, unus ad objectum seu bonum amatum; alter ad subiectum, seu personam cui bonum istud volumus. Quandocumque tamen bonum amatum alteri volumus, tamquam subjecto, v. g. parenti, filio vel amico, nos cœquidem semper sumus subjectum, cui immediatè volumus satisfactionem, quam omnis amans inseparabiliter percipit ex amore, quo alteri vult bonum. Ut quid enim pater ex amore filii procurat ipsi divitias & dignitates, vel iis seipsum exuit, ut eas in ipsum transferat, nisi quia filium considerans velut partem sui, satisfactionem habet ex hoc quodd ipsi velit & procuret bona ista? Propterea Augustinus suprà n. 8. dicit amores omnes prius esse in hominibus de se, & à se incipere, & sic esse de alia re vel persona quam diligunt. Talis enim naturæ à Deo conditus sumus, ut amor noster nunquam feratur nisi in bonum nobis conveniens, seu naturæ nostræ accommodatum, saltem ad satisfactionem aliquam, seu jucunditatem ex amore ipsius nobis conciliandam.

Quarto observandum, omnem finem, quatenus finem, propriè esse finem ultimum. Cùm omnis finis, quæ talis, sit terminus amoris, ad quem, ut amans perveniat, media omnia conduceant adhibetur, ab iisque adhibendis eo ipso cessat, quo ad eum pervenit. Est ergo finis ultimus respectivè ad media propter ipsum adhibita. Porro quia finis ultimus in uno genere, respectivè ad media ad ipsum consequendum adhibita, alteri fini superiori subordinatus esse potest, ideoque respectivè ad ipsum in alio genere esse potest finis intermedius, ideo fines duos ultimos Philosophi distinguunt, videlicet *finem ultimum secundum quid*, & *finem ultimum simpliciter*. Finis ultimus secundum quid, ille est, qui sic est ultimus in uno genere, respectivè ad media ad se relata, ut rationem habeat medii, respectivè ad finem superiorem, cui subordinatur: sic pharmaca rationem habent finis ultimi secundum quid, respectivè ad artem pharmacopolæ, eo quodd tota ars ista, mediaque quibus utitur, ad pharmacorum compositionem ordinantur, in eaque terminantur. Verum quia finis iste subordinatur fini superiori, ad eumque ordinatur, nimis ad curationem, & curatio ad sanitatem, ipsa quoque sanitas ad Dei gloriam, & eternamque felicitatem nostram ulterius ordinabilis est, re-

spectu anteriorum finium istorum rationem non habet finis ultimi simpliciter, sed finis intermedii, seu ultimi secundum quid dumtaxat. Quia finis ultimus simpliciter & absolutè solus ille est, ad quem cætera omnia referuntur, ipse verò ad nullum alium finem refertur. Solus proinde Deus, seu summum bonum nostrum, est finis simpliciter ultimus ordinati amoris nostri: *Eo enim fruendo quisque beatus est* (inquit Augustinus epist. 118.) *proprie quod cetera vult habere, cum illud jam non propter aliud, sed propter seipsum diligatur.* Et ideo finis ibi dicitur, quia jam quod excurrat, & quod referatur non inventur. Ibi requies appetendi, ibi fruendi securitas, ibi tranquillissimum gaudium optimæ voluntatis. Et epist. 54. *Quare finis ibi dicitur: quoniam quiaquid agimus ad illum referimus, & cum ad eum pervenerimus, ultra quod queramus non habebimus.*

## CAPUT II.

*Divisio amoris, verumque discrimen inter amorem concupiscentia, & amorem amicitia seu benevolentia.*

18 **V**aledic observanda sunt ea quæ capite præcedenti dicta sunt de natura, objecto, motivo, & fine amoris, quia apprimè necessaria sunt ad repellendos Quietistarum, Semi-quietistarumque errores, quos Innocentius XI. & Innocentius XII. proscripterunt, ad quem etiam finem necesse est exactè scire naturam amoris amicitiae, prout distinguitur ab amore concupiscentiae, ut errores isti suis à fundamentis penitus subvertantur.

19 Amor itaque 1°. alias est innatus, seu invincibilis, & necessarius, scilicet amor beatitudinis in communi; alias liber, seu electivus. 2°. Alias naturalis, alias supernaturalis. Alias supernaturalis ex parte principii; alias supernaturalis ex parte objecti, cuiusmodi est amor Dei, ut Authoris gratia & gloria. 3°. Alias amor Dei, alias creaturarum. 4°. Alias amor fruens, alias utens, seu fructu & usus. 5°. Alias amor charitatis, alias cupiditatis. Vide quæ dixi libro 3. c. 5. de tertia, quarta & quinta divisione. 6°. Alias amor concupiscentiae, seu mercenarius; alias amicitiae, seu gratitius.

20 Ad utriusque istius amoris elucidationem, animadvertisendum, concupiscentiam aliquando latius, aliquando pressius accipi. Pressius accepta est amor bonorum temporalium & sensibilium, subdividiturque in tres species, quæ sunt concupiscentia bonorum, concupiscentia divitiarum, & concupiscentia sensibilium voluptatum. Sic proinde accepta non habet pro objecto nisi bona sensibilia, seu conducentia ad felicitatem corporis. Alter tamen se habet in hoc statu naturæ corruptæ, alter se habebat in statu naturæ integræ, in quo naturalis fuit, sive ab Autore naturæ indita concupiscentia sensibilium bonorum, utpote necessaria.

tiorum ad corporis conservationem, ejusdemque cum anima unionem; sic tamen eo in statu sensibilia feriebant sensus, ut non prævenirent rationem, nullumque excitarent sui desiderium vel passionem, nisi ex rationis imperio. Nullos proinde tunc excitabant motus indeliberatos, hominem cæco modo in sensibilia bona perrahentes; sed quasi reverenter monebant ipsum de sua præsencia. Verum ex quo ratio per inobedientiam primorum parentum Deo rebellis fuit, in istius rebellionis pœnam sensibilia jam feriunt sensus nostros præveniendo rationem, indeliberatosque in nobis excitant motus, per quos homo cæco modo pertrahitur in sensibilia. Impresio namque, quam sensibilia faciunt lupra sensus nostros, ratione jam amplius non dirigitur (uti tunc dirigebatur) sed eam prævenit; nec homo jam perfecta Dei suarumque obligationum cognitione naturali & supernaturali illustratur, ut tunc; sed perfecta ista cognitione, Deique amore privatus, naturaliter impotens est ad continentiam sub rationis regula sensibilium concupiscentiam. Cujus proinde inordinatio ex duplicitate illa privatione provenit, cognitionis scilicet & amoris.

Concupiscentia latius accepta, pro objecto 21 habet bona quæcumque conducentia ad felicitatem, tam animæ quam corporis, tam spiritualia, ut spirituales consolationes, quam corporalia, ferturque tam in personas, quam in res à personis distinctas. Et ista est cuius a charitate, seu amore amicitiae vel benevolentiae discrimen hic inquiritur, confunditurque cum amore proprio, seu mercenario, quem priuatum Bernardus appellat.

Amor itaque concupiscentiae, sic acceptæ, 22 ille est, qui nec in personas, nec in res a personis distinctas fertur propter ipsas, velut amoris finem qui, sed propter bonum aliquod seu commodum ab ipsis distinctum, quod amanti ab amato speratur proventurum, propter quod ipsæ amantur, velut media propter finem. Amor verò amicitiae est amor personæ independenter à quocumque bono, seu commodo ab ea distincto, velut fine qui, quod amanti ab ea provenire possit, nihil proinde aliud in amando quærens, nisi personam ipsam amatam, seu ipsius possessionem, vel satisfactionem amandi ipsam.

Si amor iste inter utramque personam, amantem scilicet & amaram, reciprocus sit, amor est amicitiae propriæ dictæ. Si reciprocus non sit, magis propriè dicitur benevolentiae amor quam amicitiae.

Itaque objectum à nobis distinctum tunc 24 propter se amat, & causâ sui (adèoque amore amicitiae, vel benevolentiae, ut conditincto ab amore concupiscentiae) dum non amat, propter aliud objectum, ad quod referatur velut medium ad finem qui, sed ita propter se, ut ipsum solum sit finis qui istius amoris, licet amans sit subjectum & finis cui objectum istud seu possessio ipsius desideratur. Neque